

Ургъц хуралгъиг өдр-сө гилго кеджәнә

Яшалтинск района „Новый мир“ колхозин 3-ч номертә комплексн бригад(бригадирнь ұр И. Литвинов) хур-боран уга цагла нег чигн час ұрал уга тәрәгъән хурадж, цокдж авчана.

Эн комплексн бригад нам-рар болн хаврар тәрси 1100 гектар тәрә хаддж, цокдж әвх зөвтә. Терунаси 700 гектар хадад унгъачкв, 200 гар гектаринь комбайнар цуглулад цокдж авси бәәнә.

Өдгә цагт эн комплексн бригадин 5 комбайнь тәрәг шуд хадн, цокдж йовна, нег комбайнь хадад унгъачкси тәрәг цуглулдж цокджана. Дакад 3 лафетн жатк делгү хаддж йовна.

3-ч комплексн бригадин комбайнер ұр В. Еременко лафетн жаткд машинист болдж кәд-

ләд, өдр болгън 40-45 гектар тәрә хадна. Одахн эн машинистин хадси нег участкин гектар болгънас 35 центнер буудя цокдж авб. Эврән йовлг комбайнд кәдлджәх комбайнер ұр В. Демьяновский шунлтта кевәр кәдлджәнә. Эн комбайнер ургъциг геелт угагъар хурадж авхин төлә эврәннә эв-аргъан, оли джилә дамшлтан сәәнәр олзлдж, тәрәг тегш хадад, цокдж, нег чигн колос ұлдәл уга хураджана.

Ода эн комплексн бригадин цуг механизатормуд тәрәгъән 3-4 хонгин эргид хурадж, төрски орн-нутгтан алти болси цагъан буудя орулдж өгхин төлә социалистическ дөрллә өргәр делгрулджәцхәнә.

А. МАТВЕЕВ.